



Inatsisartuni ilaasortaq Aleqa Hammond, Siumut  
TAMASSA

**Aatsitassanut akitsuuteqartitsilernissamut tunngatillugu § 37-mut tunngasutut  
apeqqut nr. 2012-282-mut akissutit**

10. december 2012  
Sagsnr. 2012-060449  
Dok. Nr.

Inatsisartut suleriaasianni § 37, imm. 1 naapertorlugu aatsitassanik annissuineranut akitsuutinut, inuiaqatigiit iluanaarutissaasa isumannaarnissaannut, aamma London Miningip qinnuteqaataanik akuersissuteqarsinnaanermut piffissamut tunngasunik Naalakkersuisunut ataaniittunik apeqquteqarsimavutit.

Postboks 1601  
3900 Nuuk  
Tlf. (+299) 34 50 00  
Fax (+299) 32 56 00  
E-mail: isiin@nanoq.gl  
www.nanoq.gl

**Siunissamut aatsitassanik piiarneqartussanit akitsuutiniq eqquassinisaaq qaqugu  
Naalakkersuisut atuutilersinneqassasoq takorloorpaat?**

**Akissut:**

Atuuttuulivissumik aatsitassarsiornermik tunisassiorfillortoqarsimatinnagu aatsitassarsiornermut nalinginnartut suliniutinut kaaviiartitanut royaltymik eqquassisooqassanngitsoq suli Naalakkersuisut isummersuutigaat.

Taamaalilluni § 37-mut tunngasumik apeqqutinnut nr. 2012-27-mut ilisimatitsissutigineqartoq tassaavoq:

"Pisortanut akitsuutit aamma akileraarusersuineq pillugu maanna politikkerineqartoq taamani Naalakkersuisooqatigiit sammisami 2009-mi februaarimi aalajangerneqartup nanginneraa. Tamatumunnga tunngaviuvoq pisortanut akitsuutiniq akileeqqusisarnerup aallartinginnerani aatsitassarsiornermik suliffissuaqalernissap inerisarnissaa salliullugu kissaatigineqarsimammat.

Tamatumunnga atatillugu erseqqissaatigissallugu pingaaruteqarpoq, piffissami kingusinnerusumi akitsuutiniq akiliisitsisarnissamut periarfissap atuutsilernissaa suli sorarunneqanngimmat. Tamanna pisinnaalluarpoq Kalaallit Nunaat nunatut aatsitassarsiorfiusutut pilerinartutut siuariartorsinnaappat. Tamannattaq Aatsitassat pillugit Periusisami 2009-mi Siumut-mit akuerineqartumi aamma allassimavoq."

Aatsitassarsiorfik ataaseq imaluunniit marluk sinnerlugit aatsitassarsiornermik suliffissuaqarfimmik sanarfisimasooqarneranik oqartoqarsinnaalissasoq tassani paasineqassaq.

Taamaattoorli assersuutigalugu ujaqqat illernartut pineqartillugit kaaviiartitanut royaltymut Naalakkersuisut itigartitsiniangillat.

Ilaatigut § 37-mut tunngasutut apeqqutinnut nr. 2012-16-imi ilaatigut ilisimatitsissutigineqarpoq:

”Taamaattorli Qeqertarsuatsiaat eqqaanni rubinisiorfimmik pilersitsisinaanermut tunngatillugu ujaqqanut erlinnartunut tunngatillugu suliffeqarfiup akiliutaannut ilusiliaasinnaasut misissorneqarsimapput. Kaaviiartitanit akitsuusiisoqassanersoq imaluunniit kaaviiartitanit aamma sinneqartoortunit akitsuummik ataqatigiissitamik atuutsitsisoqalissanersoq aalajangerneqanngilaq.”

**Naalackersuisut oqarput aqcutit sulluunniit atorlugit aatsitassanit nunatta pisarsiasaat annerpaaq jartorniaritsik, suuppat aqcutit sulluunniit pineqartut?**

**Akissut:**

Aatsitassarsiorluni suliniummi sapinggisamik annerpaamik iluanaaruteqarnissap isumannaarniarneranut aqcutissaq pingaernerpaaq tassaavoq taassuma piviusunngortivinnissaa. Tamanna aatsitassarsiorfiusumut atugassatut piumasaqaataasut unammillerinnaassuseqarneratigut isumannaarneqassaaq. Tassaniipputtaaq akileraartarnermut maleruagassat qanoq ilusilersorneri. Sooq piffissami maannakkut kaaviiartitanut royaltyp atuutsilernissaa Naalackersuisut ajortuusutut isumaqarfiginninnerannut annertunerusumik itisiliissutissatut Naalackersuisut UPA2012/127-mut akissutitut allakkiaat innersuutigineqarpoq.

Paarlattuanilli IBA-mik isumaqatigiissutit aqcutigalugit ingerlatseqatigiiffiup najugaqarfimmit annertuumik suliffeqartitsinermik aamma najugaqarfinit suliffeqarfiit peqataatinneqarnissaanik isumannaarinninnissaanik, soorlulusooq sulisartut piginnaanngorsarnissaanik, suliffinni sungiusarfinnik, ilinniagaqarnernik assingusutullu inuiaqatigiinnut tunngasunik pilersitsinernik piviusunik anguniagassanik inississuinissanik inuiaqatigiit sapinggisamik annertunerpaamik iluanaaruteqarnissaat Naalackersuisut isumannaarniarpaat. Tassunga atatillugu sanaartugassani suliassat najugaqarfimmi suliffeqarfinit isumagineqarsinnaasut piumasaqaatit nalinginnaasut naapertorlugit najugaqarfimmi neqeroortugineqartassanerannik, aammalu sanaartugassani suliassanut najugaqarfimmi pisariaqartitatut piginnaaneqarfigineqanngikkaangata immikkullu ilisimasalinnik peqartoqanngikkaangat nunani tamalaani aningaasarsianut atorfinitsitaanermullu piumasaqaatit naapertorlugit neqeroortugineqarlutillu iluarsivigineqartarnissaannik suliniutinut angisuunut inatsisip isumannaariniartussaanera erseqqissaassutigineqassaaq. Alaalli taamatut pisoqartillugu nunani tamalaani neqeroortuutaasuni Kalaallit Nunaanni suliffeqarfiit pilersuisooqataasutut attavilerneqarnissaannut periarfissanik isumannaarisoqarnissaanik piumasaqaateqartoqassaaq.

**Naalackersuisut London Miningikkut qaqugu qinnuteqaataannut akuersaalersaapat?**

**Akissut:**

London Miningimit qinnuteqaatip tiguenerata kingunerpiannuatigut aatsitassanut inatsimmi §§ 19, 43 aamma 86 naapertorlugit piumasaqaatinik aamma akuersissuteqar-

nermut allagarisanik suliaqarnerit aallartissapput. Suliaq tamanna suli ingerlanneqarpoq. Kalaallit Nunaannut naammaginartumik inerreqartillugit IBA-mik isumaqatiginninniarnert qaqugukkut naammassineqarsinnaanerantaaq aalajangerneqassaaq. Taamaattumik atuisinnaanermik akuersissuteqarnissaq pillugu London Miningip qinnuteqaataanik Naalackersuisut qularutiginagu qaqugu suliaqarsinnaanerat oqaatigineqarsinnaanngilaq.

Inussiarnersumik inuulluaqqusillunga



Ove Karl Berthelsen



26. november 2012

Inatsisartut Suleriaasianni § 37 imm 1 naapertorlugu matumuuna ima ittumik Naalackersuisunut apeqquteqaateqarpunga:

1. Siunissamut aatsitassanik piarneqartussanit akitsuutinik eqqussinissaq qaqugu Naalackersuisut atuutilersinneqassasoq takorloorpaat?
2. Naalackersuisut oqarput aqqutit sulluunniit atorlugit aatsitassanit nunatta pissarsi-  
assaat annerpaaq jartorniaritsik, suppat aqqutit sulluunniit pineqartut?
3. Naalackersuisut London Miningikkut qaqugu qinnuteqaataannut akuersaalersaarpat?  
(Aleqa Hammond, Siumut)

**Tungavilersuut:**

Siumup isumaa erseqqippoq. Nunatta pisuussutai piginnittunit iluaqutigineqassapput pingaarnerpaat, tassalu pisuussutit annissorneqartussat akitsuuserneqartariaqarput. Naalackersuisulli aatsitas-  
saatitsinnit akitsuusersuiniaratik aaliangersimapput, kisianni oqarnikuullutik taamaalluni arlaanni  
eqqunneqassasut, peqqutissaqalerpaangalu qulaani pineqartunut apeqquteqaateqarnissannut.